

DIE PRIMA FEBRUARII. 12

OFFICIUM

S. CÆCILII

EPISC. ET MART.

Et Patroni Principalis Ecclesiæ,
& Diœcesis Granatensis.

DUPLEX.

*Omnia dicuntur de
Communi unius Marty-
ris Pontif. præter illa,
quæ hic assignantur pro-
pria.*

OREMUS.

DEus, qui nos
per Beatum
Cæcilium Marty-
rem tuum, atque
Pontificem ad agni-
tionem tui nominis
venire tribuisti; con-
cede propitius, ut
per quem superni
muneris rudimenta
fussecepimus, per eum
subsidia perpetuæ

salutis impetremus.
Per Dñm. &c.

IN I. NOCTUR.

Leguntur L. ciones
De Libro Ecclesia-
stici, Confitebor, ut
it Fest. S. Laur. 1c.
August.

IN II. NOCT.

Lectio iv.

QUoniam va-
rios, multi-
plicesq; triumphos,
quos evāgelica præ-
dicatio cumulavit,
tempus nos dinume-
rare

rare non patitur, ad illos tota nostri sermonis confugit oratio, quos Hispaniarum Ecclesia reportavit, quæ à Sanctis Apostolis tot meruit habere Episcopos, quot dies mundus accepit. Verè mater luminum, fons dierum, quæ septenario corusco germinis sui toto Orbe resplendet. Felix, quæ meruit possidere tot virtutum pignora, quot illa arca præceptorum volumina sacrata gessavit.

℞. Honestum fecit illum Dominus, & custodivit eum ab inimicis, & à seductoribus tutavit illum: * Et dedit illi claritatem æternam. * Descenditq; cum illo in foveam: & in vinculis non dereliquit eum. Et de-

dit. *Bened.* Christus perpetuæ.

Lectio v.

BEata cui in futura gloria tot aditant candelabra, quot hîc habuit Evangelii præcones; tot coronæ, quot infulæ; tot bravia, quot tormenta. Merito proinde de venerando illo sanctorum numero scribens ad Alphonsum, & Sancium Hispaniæ Reges, & ad eisdem Regni Episcopos Sanctus Gregorius Septimus Romanus Pontifex testatur, à Sanctis Apostolis ad Hispaniam septem illos Antistites directos fuissent, qui destructa Idololatria Christianitatem fundaverunt, Religionem plantaverunt, ordinem, & officium in divinis cultibus agendis

dis ostenderunt, & sanguine suo Ecclesias dedicaverunt.

R. Desiderium anime ejus tribuisti ei, Domine. * Et voluntate labiorum ejus non fraudasti eum. V. Quoniam præveneristi eum in benedictionibus dulcedinis: posuisti in capite ejus coronam de lapide pretioso. Et voluntate. *Benedict.* Ignem sui amoris.

Lectio vi.

EX his adest nobis hodie natalis Sancti Cæcilii, qui cum mirabilem multitudinem Christi fidei subjugasset, Illyberi glorioso agone quievit. In cujus postea civitatis excisa locum Granata successit, quæ Patroni, ac Parentis sui tanta semper pietate memoriam recoluit, ut etiam sub Maurorū

tyrannide templum ejus nomini dedicatum, sacris Christianorum celebrandis, inviolatum extiterit.

R. Stola jucunditatis induit eum Dominus: * Et coronam pulchritudinis posuit super caput ejus. V. Cibavit illum Dominus pane vitæ, & intellectus: & aqua sapientiæ salutaris potavit illum. Et coronam. Gloria Patri. Et coronam.

IN II. NOCT.

Lectio S. Evangelii secundum Joann.

Nisi granum frumenti, ut in fest. S. Laur. die 10. August.

Missæ propria: Gaudemus, &c. pro Diæcesi Granatensi; & Statuit, de Communi unius Mart. pro reliquis Diæcesibus, cum Evangelio: Nisi granum frumenti, ut in die S. Laur.

HISPANIARUM:

Porrectis nomine Reverendissimi Archiepiscopi,
 & Capituli Ecclesiæ Granatensis non minùs
 enixis, quàm supplicibus instantiis, quibus pro ex-
 tensione Officii, & Missæ Sancti Cecilii Episcopi, &
 Martyris, jam sub die 26. Augusti 1702. pro illa
 Ecclesiâ approbatum ad universa Regna, ac Domi-
 nia Serenissimo Regi Catholico subjecta Sacra Rituum
 Congregationi supplicatum fuit, illisque per Emi-
 nentissimum, & Reverendissimum Dominum Car-
 dinalem de Belluga relatis, Sacra eadem Rituum Con-
 gregatio dictum Officium, & Missam respectivè sin-
 gulis annis in die festo ipsius Sancti juxta approba-
 tionem Ecclesiæ Granatensis, ut suprâ factam, ab om-
 nibus Ecclesiasticis Sæcularibus, & Regularibus
 utriusque Sexus, qui ad Horas Canonicas tenentur
 in cunctis Regnis, ac Dominis Serenissimo Hispania-
 rum Regi Catholico subjectis, sub Ritu Duplici re-
 citari, ac celebrari debere censuit, si Sanctissimo
 Domino nostro visum fuerit. Die 9. Aprilis 1729.

Factaque deinde per me Secretarium de prædictis
 Sanctissimo Domino nostro relatione, Sanctitas Sua
 benignè annuit. Die 6. Augusti 1729.

N. Card. Cossia.

Loco ✕ Sigilli.

N. M. Tedeschi Archiep. Apamen.

Sac. Rit. Congr. Secret.